

# Комсомолонь ВАЙГЯЛЬ

ЛИСЕНДИ VIII-це КИЗОСЬ

ВЛКСМ-нь Мордовский  
обкомт и Саранскийнь  
горкомт газетасна.Адрес: г. Саранск, Советская ул.,  
Дом печати, Телефон № 1-60.

ПИТНЕЦ 5 тр.



ЛИСЕНДИ КОВТИ 12-ксть

## ЛУЧШАЙ КОМСОМОЛЕНЬ — ВКП(б)-ть РЯДОНЗОНДЫ

Большевиконь партиясь советский од ломаттнень передовой отрядсон — Ленинско-Сталинский комсомолть кружасе оцю забота-са и кельгомаса. Партиясь комсомолть эса касфтсь аф кржа од ломатть, конат достойнайхть сувамс сонь боевой рядонзонды.

Эсь эздост воспитандамс ломань, конац достойнай улемс большевистский партиянь членкс, стойкайста тюремс сонь рядонзон эса Ленинонь — Сталинонь тевсон инкса, — комсомолецнень и комсомолкатнень инь заветнай мечтасна, ибо „аш мезевон сяда оцю, кода партиянь членонь званиясь, конанди основателькс и руководителкс ащи Ленин ялгась“ (Сталин).

Ленинско-Сталинский комсомолсь партияи ащи вернай помощникс, сондейнза неиссякаемой резервакс. ВКП(б)-ть XVIII-це с'ездонза меле, областной партийнай организацияньке комсомолть лувксста кассь 2189 ломань.

Рузаевский районь, Т. Пишля велень первичнай партийнай организациясь ВКП(б)-нь членонди кандидаткс примась колхознай МТФ-ть заведующайнц, велень Советонь депутатть, комсомольский организациянь секретарть Адеева Мария ялгать, конац колхознай производстваса и общественной работаса няфтезе эсь прянь, кода партиять лучшей стирец. ВКП(б)-нь Рузаевкань райкомсь тяфта жа примазень партиянь членонди кандидаткс советский интеллигенциянь лучшей представителензон, комсомолецнень, инициативнай общественникнень В. Никитина и Николаев ялгатнень.

Но сави азомс, што комсомольский кой-кона организациятне эсь лучший, достойнай представительсон ВКП(б)-ть рядс сувамати аноклакшнесазь калдывста. М. Ювня велень колхознай комсомольский организациясь (Торбеевский район) партиять рядонзонды ашезь рекомендованда нинге фкявок комсомолец.

Улихть аф кржа фактт, мзярда ВЛКСМ-нь башка райкомтне эсь функциясон аделакшнесазь аныцек партияв сувамади тя или тона активисти-комсомолецти рекомендациянь максомаса; йофси аф заботендамок сонь документонзон сяда товодонь оформлениасон колга, мезень сюнеда комсомолецнень партияв примамасон и теист максф рекомендациятнень йоткса тиендеви оцю разрыв. Кепотьксонди, ВЛКСМ-нь Саранскийнь горкомсь 1939 кизонь апрельть эзда савомок тя кизонь июнь 1-це шивцты сембоц рекомендовал 311 комсомолец. Синь эздост партиянь членонди кандидаткс примаф аныцек 240 комсомолец.

Партияв эрь комсомолецсь эряви тяфта анокламс, штоба ВКП(б)-в сувамс рекомендациятнень получакшнелезь комсомолецне, конат достойнайхть каннемс большевиконь партиянь членонь высокой званиять.



Майнь мельдень и июнень васень шитнень пингста Мордовиянь райоттнень эзда ульсь проверйф Мордовский, Татарский и Чувашский АССР-тнень йоткса социалогворсь.

СНИМКАСА: Чувашский АССР-ста представительсь (жержи-ширеса) М. И. Кузьмин ялгась и Ромодановский орденонсой МТС-ть директороц Н. Д. Лапин ялгась, конац казф Малай золотой медальса, проверйхть социалогворть эса.

Фотось А. Ивановть.

## КОЛХОЗТЬ САТФКСОНЗА

Мокша Ювня велень „17 партс'езд“ колхозсь тундань видеам лисемда инголе кемокстась социалогвор „Ким“ колхозть мархта, коса синь сявондсть обязательств, штоба успешнайста йотафтомс тундань видеамть. „17 партс'езд“ колхозсь эсь лангозонза савф обязательстванзон пашкодезень оцю честь мархта. Сон тундань видеаманц аделазе васенцексь районца Тя колхозонь колхозникне, кода Аргузов И. В., Денискин И. З., Шукшин И. З и лама лият, сувамок социалистический соревнованиясь, эсь добросовестнай отношениасон вельде трудса няфтсть замечательнай показателхть.

Тундань видеамть успешнайста аделаманцты лездсть колхознай партийнай и комсомольский организациятне и велень марнек активсь. Партийнай и комсомольский организациятне апак лотксек тюрсть трудовой дисциплинаить нарушителензон каршес. Нарушителхнень и лодырхнень колга путнеть кизефкт колхознай общай собранияса, коса теист максевсь эрвикс указанийт и примосесть мерат.

Партийнай и комсомольский ор-

ганизациятне ашесть аще ширес культурно-массовой работать эзда. Партиянь и ВЛКСМ-нь сембе четтне ульсь кемокстафт колхозть бригаданзонды, коса синь регулярна паксяса колхозникнень йоткса йотафнесть беседат, читкат и кепсезь колхозникнень мяльснот сяда товодонь победатнени. Партийнай и комсомольский организациятнень руководствасон вельде регулярна лисендсь колхознай стенгазетась, коса колхозникне могли няемс сятнень, кит теист лездхть обязательствань пашкодема тевса и кит теист шорайхть. Тяни колхозсь кярмодсь велень хозяйствань омбоце инь важнейшай этапти — кочкамати и уборочнайта анокламти.

Сембе колхозникне савсть эсь лангозост обязательства, штоба велень хозяйствань тя этапть йотафтомс нинге сяда оцю сатфксса и получамс 100 пуд сьора эрь гектарста.

Велень активсь савсь обязательства, нинге сяда вишкотеми колхозникнень йоткса культурно-массовой работать.

Г. Немов.

Торбеевский район.

## Эрь колхозти водоем

(Телефон вельде)

\* Кадошкина. Оцю активность мархта районца колхозникне обсуждают Таловский районь „Железнодорожник“ колхозон колхозникнень водоемонь тиёмать колга обращениясон. Б. Полянский велень советонь Нариманть лемса колхозонь колхозникне эсь собраниясост решили тиёмс платина и шувомс од эшихть.

Тяфтама жа собрания ульсь тя велень советса, „Первое мая“ колхозсонга, коса тяфта жа решили тиёмс маласта лоткть лангс од плотина. Плотинать тиёмаса работатне ни мольфевихть.

\* Ромоданова. „Волна Октября“ колхозса комсомольский организациять инициативанц вельде колхозникне наметили чистендамс тяде 6 прудт, петемс уликс эшихнень и шувомс лама од эшихть.

\* Инсар. Лух. Майданский „Красноармеец“ колхозса комсомолецти примосихть активной участия колхозса оросительнай системать тиёмаса. Аф кувара колхозсь тис од плотина, кованц тиёмаса участвовандасть 6 комсомолецт, конац тя работаса няфнесть цебарь при мерхт илядыкс колхозникнени.

## Панжевсь ВЛКСМ-нь ЦК-ть XI пленумоц

Июнь 7-це шистонза панжевсь ВЛКСМ-нь ЦК-ть XI-це пленумоц. Пленумсь кемокстась тяфтама шинь повестка:

1. Комсомольский активть мархта работать цебарьгофтоманц колга и комсомольский аппаратть соответствующай перестройканц колга;

2. Комсомольский организациятнень эса членский взносонь пандомать состоянианц колга;

3. Колхознень эса водоемонь строительствоть коряс колхознай комсомольский организациятнень работасон колга.

Васенце кизефкт коряс доклад мархта выступил ВЛКСМ-нь ЦК-ть секретарец Н. А. Михайлов ялгась.


## Рузаевский ученикнень- отличникнень васедемасна идень писательхнень мархта

Июнь 9-це шистонза Саранск ошса МАССР-нь писателень Союзть правлениясь идень писательхне тисть васедема рузаевский ученикнень-отличникнень мархта. Вступительнай вал мархта писателень правлениясь эзда выступил Филиппов ялгась.

Школьникне аплодисментса васьфтезь орденонсоц сказительница Ф. И. Беззубоват выступленианц, кона азондозе, кода сон арьсекшнезень замечательнай произведенийанзон, мезенкса партиясь и правительствась казез сонь Трудовой Якстерь знамянь орденца.

Беседась мольсь пцтай кафта частт. Школьникне эсь выступлениасост корхтасть, штоба тяфтама васедема тиендемс сяда сидеста.

Поэттне Радин, Карасев и лиятне лувозь школьникнени эсь стихотворениясон.



Всесоюзной сельскохозяйственной выставкась.

СНИМКАСА: Сельхозвыставкай главной сувама вастсь. (Фото-клишесь ТАСС-ть).



## Велень хозяйствань передовиконь совещанияста

Майть 9-це шистонза Мордовский Государственной Селекционной станции йотафтовсь паксян тевса передовиконь совещания. Совещанияса ульсть Саранский МТС-ть инь цебярь трактористон за и передовой тракторной бригадань бригадиронза, Саранский районть цебярь колхозниконза.

Тундань видеать аделаманц колга доклад мархта выступил Саранский районнь трудящайн депутатонь исполкомть председателец Печенин ялгась. Печенин ялгась эсь докладсонза корх-тась районца сембе колхознень и МТС-тнень тундань видеа кампаниять пингста работаснон колга.

Докладта меле пренияса выступали колхозонь председателхне полеводческий и тракторной бригадань бригадирхне. Сембе выступаюхне резкайста критиковандазь Саранский МТС-ть руководителензон.

Тя МТС-ть 10-це № тракторной бригаданц бригадиронц Белов ялгась эсь выступлениесонза азозе, што тяддень кизонь тундань видеа кампаниять пингста пакржа лезкета максесь МТС-нь дирекциясь. Нльне видеать аделавом тракторной бригадан ашезь яка МТС-ста фкявок представитель.

Тяда меле совещаниясь казезень цебярь работникнень, конат тундань видеа кампаниять пингста няфвеств стахановский работань образецт.

ВКП(б)-нь Саранский райкомсь и трудящайн депутатонь районнай Советть исполкомц максозе переходящай Якстерь знамять Николаевский велень советть "Красное знамя" колхозонцты. Колхозонь председатели Корочков ялгати макссть премия 300 цалковайхть ярмак.

Тяда меле Саранский МТС-сь казезень эсь цебярь трактористонзон и тракторной бригадань бригадиронзон костюмса и лия питни казнеса.

Ф. Бикеев.

Саранский район.

## ЦЕБЯРЬГОФТОМС САРАНСК ОШТЬ БЛАГОУСТРОЙ- СТВАНЦ

Сталинский мекольдень кафта пятилеткатнень пингста Мордовский АССР-нь столицась, Саранск ошсь, арась аф содавикс. Инголь-день мешанский уезднай ошкясь, коса ульсь мянь 14 церкав и аныцек 3 школат, конат школатне доступнайхтельхть аныцек помещиконь, купецень и попонь итненьди, тиян тиевсь шиста-шискасы промышленностень ошекс, панжезь панжи социалистический культурань центракс. Тиян Саранск ошса кемонда ламасредняй учебнай заведений, конатнень йоткса Мордовский педагогический, музыкально-драматический и фельдшерско-акушерский училищатне, конат марса лувозь эри кизоня ноляйхть лама цебярь, од кадрат, конат сембе вийса лездыхть мордовский трудящай на-

родть культурнай уровеньц касфтоманцты.

Саранск ошть тиян сонценъ кафта театравза, кафта кино-театравза, конат культурна обслуживают эрь шиня лама тьожятть трудящай.

Саранск ошть благоустройстванцты государствась эрь кизоня ноляй лама сядот тьожянь цалковайхть, эрь кизоня касыхть ташта йомла куднятнень вастс кевонь 3—4 этажса эряма кутт, ошть ульциязонды озафневихть лама шuftтт.

Но, аф ваномок сембе ня достиженятнень лангс, тичемс нингэ улихть лама аф сатыкст, конат пак шорсихть ошть благоустройстванцты. 1940-це кизоня ошть благоустройстванцты ассигновандаф 761 тьожянь цалковай, конатнень эсь вастоваст исползованиясна моли пак валом. Арьсеф тичемс шуфтонь од тротуархт 5.040 квадратнай метра, а тиф нингэ 300—400 квадратнай метра.

Ошть лама ульциянза нингэ тичемс атак обеспечиндакт водопро-

## Расхлябанностень фактне

Уставсь и членский взносоень колга ВЛКСМ-нь ЦК-ть инструкция эрь комсомолецть эзда вешихть аккуратность и честность. Но улихть аф кржа случайхть, мзярда кой-кона комсомолецне и нльне ВЛКСМ-нь руководителхне-сь обязанностснон пшкоть-кшнесазь аф аккуратнайста.

Краснолосодский районнай организацияса, например, 9 первичнай комсомольский организациятнень эзда тя кизонь январь—прель ковонкса изь поступанда фкявок трешник членский комсомольский взнос, а апрельста аф дисциплинированной первичнай организациятнень лувкссна кась 36.

Виде, ВЛКСМ-нь райкомсь тяфтама нарушениятнень машфтомаснон колга кизефксть кафкть ванондозе бюровнь заседанияса, при мафтольхть решениятка, но сембе бедась сянь эса, што нят решениятне ашезь мобилизованда районнай комсомольский организациять тевса грубай нарушениятнень машфтомаснон инкса тюремат.

Членский взносонь пандомас-йофси аф тяда цебярьста ащи Zubovo-Polyanskiy районнай орга-

низацияса. Тяса тя кизонь февраленкса комсомолецнень марстонь лувксснон эзда членский взносонь пандасть аныцек 465 комсомолец. Лиякс мярьгомс, апрельть васене шинцты членский взносонь коряс задолжникос лувондовсь 728 комсомолец, конат исть панда 610 цалковай 90 трешник взносонь.

Инструкциясь коря членский взносонь поступлениясь аф 3 кожда шуроста должен ванондовомс и кемокснемс первичнай комсомольский организацияса комитеттнень и комсомолецнень мархта, а районнай, городской комсомольский организацияса ВЛКСМ-нь райкомтнень, горкомтнень мархта. Но инструкциять тя пунктонц Zubovo-Polyanskiy (ВЛКСМ-нь райкомть секретарец Орькин ялгась), Краснолосодский (ВЛКСМ-нь райкомть секретарец Гунин ялгась) и кой-кона лия районнай организациятне аф пшкотькшнесазь, сийн комсомольский дисциплинань кемокстамань тя важнейшай средствать лувондсазь работань второстепеннай участкакс.

Дм. Родин.

## Анокламс идень творчествань олимпиадаты

Июнь 15-це шистонза Мордовиянь райоттнень эзда ушеды йотафневомс идень творчествань олимпиадась, коса лама пионерхт и школьникт, няфтемок эсь талантснон, улихть выдвинутайхть участникос Всесоюзнай идень творчествань олимпиадаты. Но аф сембе райоттненьсерьезнайста аноклайхть тя шити. ВЛКСМ-нь Zubovo-Polyanskiy районкомсь нингэ майть васень шинзон пингста эсь бюросонза кулхондозень старшай пионервожатайхнень и комсоркнень отчетснон олимпиадаты сийн анокламаснон колга. Бюрось няфтезе, што олимпиадаты анокламаса пионерский и комсомольский

организациятне тисть пак кржа. Бюрось тейст макссь соответствующай указанияти тяконь лангс успокоиндавсь. Ламоц пионерский и комсомольский организациятне бюроть указаниязнон ашезь пшкюде, и ВЛКСМ-нь райкомсь-ке кодамовок мероприятияташезь йотафта.

ВЛКСМ-нь Zubovo-Polyanskiy райкомти эряви мяляфтомс, што сонь задаца аф аныцек макссемс указаният, но и эсь пингстонза проверакшнемс нят указаниятнень результатснон.

И. Паршин.

Zubovo-Polyanskiy район.

## Аккуратнай почтальон

Ветече кизось работай сьормань канникс Сидоркин ялгась Сире Каньгуш велеса. Сон эсь честнай работанц мархта колхозникнень йоткса польовандай оцю авторитетса. Эрь ковть касфнесыне подписчикнень лувксснон. 205 лама колхозник эсь лемозост сьорматфтсть газетат и журналхт.

Тундань видеа кампаниять пингста Сидоркин ялгась эсь пингстонза каннезень газетатнень подписчикнеди паксяв, работама вастозост. Сидоркин ялгась корхтай: "Мон нингэ тядонга цебярьста ладяса эсь работазень, кафтонь крда касфтса подпискатель". Иван Кирдяев. Ельниковский район.

## Западнай фронтса положениясь

Лондонца получаф сведениятне корхтайхть сянь колга, што немецне арьсесть ушedomс генеральной наступления. Сообщениятне, конат пачфневихть Парижста, западнай фронтста положениять лувондсазь критическийкс француснеди. Кода пачфни куля "Санди таймс" газетат парижский корреспондентонц, немецне бойс йордасть сембе эсь бронетанковай вийснон кафта колмоцекс пшкксснон. Французский войскаатне марса английский войскаатнень и английский бомбардировочнай авиациять мархта тиендихть упорнай сопротивления. Противотанковай укрепленной точкатне, тя пингти самс ульсть эффективайхть противникть танкавзон каршес тюремаса, но германский бомбардировщикнень ширде ня укрепленной точкатне имафнесазь сопротивлениянь вийснон. Германский бомбардировщикне тиендсазь сембонь сянь, мезсь возможнай, штоба шорямс тылса коммунификациятнень. Француснень аф сатнихть истребительсна сянкса, штоба сяськомс неприятельнень бомбардировщикнень.

Кода пачфни куля Рейтер агентствась, французский военнай крукне азондсазь, што июнь 9-це шистонза заря лангс, сембе германский частьтне, конат ащихть западнай фронтса, ульсть йордафт од наступленияс. Арьсехть, што немецне бронетанковай дивизияда башка бойс сувафствь 1800 тьожянь ломаньцта сывомок 2 миллиотт ломаньц модемс. Военнай крукне лувондсазь, што июнь 9-це шиц ули решаюшайкс.

(ТАСС).

## ИТАЛИЯТЬ ПОЗИЦИЯ

Кода пачфнихть Римста германский корреспонденттне, сембе итальянский газетатне эсь передовой статьясост корхтайхть Италиять войнати анокламанд колга. "Берлинер берзенцентунг" газетать корреспондентонц сьормады, што итальянский печатсь тиян сембе сяда резка выступает Корсикать, Мальтат и Тунисть колга требования мархта. "Италиясь—маласа великай событиятнень эзда"—тяфта характеризованда-сазь сембе обстановкаты итальянский газетатне. Вишкста йотафневихть военнай характеронь мекольце мероприятиятне. Тяса сувсихть, например, сембе музейхнень и галлерейтнень сьолгомасна Сембе итальянский судатненди максф радио вельде указания сувамс нейтральной гаваттненди.

"Ньюс кроникл" английский газетат римский корреспондентонц пачфни, што итальянский фашистский сембе организациятне часть уведомлениа улемс анок примамс участия Венеция площадьса массовой митингть эса, коса выступит Муссолини и азсы, што Италиясь сувай войнати.

Английский печатсь тяфта жа пачфни, што итальянецне Ливияса египетский границаты малава лихорадочна тийхть укрепления. Абиссинияса итальянецнень положениасна пак стака. Странаты юго-запад ширесонза йотнихть боихть. Итальянецне пелихть лисендемс эсь кудстост ши валомда меле, пелихть врыгяхть лангозост абиссинский партизаттне.

(ТАСС).

Ответ. редакторь заместителец И. ЧУДАЙКИН.

Г. Пьянзин.